

Zeničko-dobojskog kantona, broj: 02-34-17057/13 od 07.08.2013. godine, u članu 1. stav (2) iza tačke 9. dodaje se tačka 10. koja glasi: “Elvir Delić, predstavnik Sindikata policije MUP-a Zeničko-dobojskog kantona”.

## II.

Rješenje stupa na snagu danom donošenja i objavit će se u službenim novinama Zeničko-dobojskog kantona.

Broj: 02-34-21987/13. **PREMIJER**  
Datum, 17.10.2013. godine  
Zenica **Munib Husejnagić, dipl.ing.maš., s.r.**

## 420.

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), nakon provedenog postupka po Oglasu za popunu upražnjenih pozicija u reguliranim tijelima što su u nadležnosti Vlade Zeničko-dobojskog kantona, odnosno Ministarstva za privredu, a u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj 12/03, 34/03 i 65/13), na prijedlog Ministarstva za privredu, Vlada Zeničko-dobojskog kantona na 128. sjednici, održanoj dana 11.10.2013. godine, d o n o s i

## ZAKLJUČAK

**o proglašenju neuspjelim postupka za popunu upražnjenih pozicija u Nadzornom odboru u privrednom društvu „Velepromet-maloprodaja“ d.d. Visoko**

## I.

Zbog nedovoljnog broja prijavljenih kandidata po Oglasu za popunu upražnjenih pozicija u reguliranim tijelima Vlade Zeničko-dobojskog kantona, odnosno Ministarstva za privredu, objavljenom u listu „Dnevni avaz“ i „Služenim novinama Federacije Bosne i Hercegovine“, broj: 51/13 od 03.07.2013. godine, proglašava se neuspjelim postupak za popunu upražnjenih pozicija u Nadzornom odboru privrednog društva „Velepromet-maloprodaja“ d.d. Visoko i to za sljedeće oglašene pozicije:

- Član Nadzornog odbora privrednog društva „Velepromet-maloprodaja“ d.d. Visoko – tri člana.

## II.

Zaključak stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-34-21547/13. **PREMIJER**  
Datum, 11.10.2013. godine  
Zenica **Munib Husejnagić, dipl.ing.maš., s.r.**

## MINISTARSTVO ZA POLJOPRIVREDU, ŠUMARSTVO I VODOPRIVREDU

## 421.

Na osnovu člana 56. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) i člana 10. stav 6) Zakona o šumama („Službene novine Zeničko-dobojskog kantona“, broj: 8/13) ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi:

## PRAVILNIK

**o načinu obračuna štete za oštećene ili posječene šumske proizvode**

### Član 1.

Naknada štete za oštećene ili posječene šumske proizvode obračunava se i utvrđuje prema odredbama ovog Pravilnika o načinu obračuna štete za oštećene ili posječene šumske proizvode ( u daljem tekstu Pravilnik).

### Član 2.

Osnovica za obračun visine naknade štete za šumske proizvode, služi prodajna cijena šumskih proizvoda (bez marže i poreza na promet), koju određuje za svoje proizvode organizacija, odnosno organ koji gazduje šumama.

### Član 3.

Kod obračuna visine naknade pričinjene štete za šumske proizvode, kao osnovica za obračun uzima se prodajna cijena šumskih proizvoda na mjestu pričinjene štete (kod panja, stvovarišta i dr.).

#### Član 4.

Visina naknade štete za šumske proizvode obračunava se i utvrđuje na taj način, što se prodajna cijena šumskih proizvoda procentualno povećava, kako je predviđeno daljnim odredbama ovog Pravilnika, tako da iznos prodajne cijene proizvoda uvećan za odgovarajući procenat, sačinjava visinu naknade pričinjene štete za svaki pojedini šumski proizvod.

#### Član 5.

Za drvo koje je počinitelj štete prisvojio, ali koje nije posjekao, obračunava se i utvrđuje naknada štete samo na osnovu prodajne cijene i bez upotrebe faktora.

U slučaju kada je lice posjeklo drvo, ali ga nije prisvojilo, naknada štete se umanjuje za prodajnu cijenu drveta.

#### Član 6.

Pod šumskim proizvodima smatraju se: tehničko drvo, sitno tehničko drvo, prostorno drvo, šumske sadnice u šumskim rasadnicama i prirodnim biljevištima, četinarska i lišćarska stabla kao i njihovi dijelovi namjenjeni za novogodišnje i druge praznike, biljke u šumskim kulturama, šumsko sjeme, trava i drugi šumski proizvodi.

#### Član 7.

Kao **tehničko drvo** smatra se drvna masa stabala (deblvine) sposobna za proizvodnju odnosno izradu tehničkih sortimenata po važećem standardu.

Debljina (promjeri) tehničkog drveta mjeri se kod četinarara bez kore, a kod lišćara sa korom. Kod tehničkog drveta lišćara na koru se odbija 1,0 do 2,0 cm, što zavisi od vrste drveta. Ovršci i grane ispod debljine propisane važećim standardom ne računaju se u masu stabla i prema tome za njih se ne računa šteta.

#### Član 8.

1. Za **tehničko drvo** naknada štete se obračunava za 150% više od prodajne cijene po 1 kubnom metru (1m<sup>3</sup>) ili komadu odgovarajućeg sortimenta.

2. Ako je drvo odveženo pa se uslijed toga ne može utvrditi njegov kvalitet, onda se:

a) za stablo do 50 cm debljine na panju računa i to: kod četinarara 80% tehničkog, 2% ogrevnog i 18% otpatka, a kod lišćara 60% tehničkog, 25% ogrevnog i 15% otpatka, od bruto mase stabla;

b) za stablo preko 50 cm debljine na panju računa se i to: kod četinarara 75% tehničkog, 5% ogrevnog, 20% otpatka, a kod lišćara 50% tehničkog, 30% ogrevnog i 20% otpatka, od bruto mase stabla.

3. Kod izrađenih proizvoda računa se na otpadak:

a) za cijepanu građu (šilma, podvlačci, prošće) 50%;

b) za tesanu građu 45%;

c) za piljenu građu kod četinarara 33%, a kod lišćara 47% .

#### Član 9.

Pod **sitnim tehničkim drvetom** podrazumjevaju se šumski drveni sortimenti propisani važećim standardom.

Visina štete pričinjene na sitnom tehničkom drvetu utvrđuje se po komadu ili po 1 kubnom metru.

Ako je sitno tehničko drvo prirodno uzgojeno naknada štete se obračunava 200% više od prodajne cijene, a ako je uzgojeno vještački, naknada štete se obračunava 400% više od prodajne cijene po 1 kubnom metru ili komadu odgovarajućeg sortimenta.

#### Član 10.

Pod **prostornim drvetom** podrazumjeva se drvo za celulozu i drvenjaču, taninsko drvo, drvo za suhu destilaciju i drvo za ogrev, kako je to razvrstano po važećem standardu.

Visina štete pričinjene na **prostornom drvetu** utvrđuje se mjerenjem u kubnim ili prostornim metrima. Mjerenje prostornog drveta može se obaviti u sortiranom ili nesortiranom stanju.

U posljednjem slučaju za ocjenu kvalitetnog omjera, važe uslovi važećih standarda. Faktor za obračunavanje prostornog metra u kubne metre je 0,65 za sve vrste drveta, a za prostorno drvo iz šikara 0,55.

Za prostorno drvo naknada štete se obračunava 100% kod glavnog stovarišta i međustovarišta, a kod panja 50% više od prodajne cijene po 1 kubnom ili prostornom metru.

#### Član 11.

Pod **šumskim sadnicama** smatraju se biljke uzgajane u šumskim rasadnicama ili prirodnim biljevištima.

Visina štete pričinjene na šumskim sadnicama utvrđuje se brojanjem uništenih komada sadnica.

Ako je šteta pričinjena u prirodnim biljevištima gdje se brojanjem ne može utvrditi broj uništenih komada sadnica, onda se šteta utvrđuje na taj način što se na 1 ar biljevišta računa 300 komada sadnica.

Za uništene šumske sadnice uzgojene u šumskom rasadniku bez presađivanja, naknada štete se obračunava 300% više od prodajne cijene po 1 komadu sadnica prema vrstama i starosti, a ako su sadnice uzgojene u šumskom rasadniku presađivanjem (školoivanjem), naknada štete se obračunava 400% više od prodajne cijene po 1 komadu sadnica prema vrsti i starosti.

Za uništene šumske sadnice uzgojene u prirodnim biljevištima naknada štete se obračunava 100% više od

prodajne cijene za neškolorane sadnice u rasadnicima i to po 1 komadu sadnice po vrstama i odgovarajućim godinama starosti.

#### Član 12.

Pod **šumskim kulturama** smatra se površina koja je vještačkim načinom pošumljena.

Za uništene biljke jednogodišnje šumske kulture naknada štete se obračunava 400% više od prodajne cijene važeće za školovane sadnice u rasadnicima, i to po 1 komadu sadnica prema vrstama.

Ako je šteta pričinjena biljkama u šumskoj kulturi starijoj od jedne godine, naknada štete se obračunava 500% više od prodajne cijene određene za školovane sadnice u rasadniku, i to po 1 komadu sadnice prema vrstama i odgovarajućoj godini starosti.

#### Član 13.

Za stabla posječena u **sjemenskim sastojinama**, posječena plus stabla ili stabla na kojima postoje taksatorski ili posjedovni znakovi kao i za stabla posječena u zaštitnim šumama, nacionalnim parkovima, rezervatima ili drugim šumama sa posebnom namjenom, naknada štete se obračunava 300% više od prodajne cijene odgovarajućeg proizvoda.

#### Član 14.

Za posječene **rijetke vrste drveća** (Pančićeva omorika, tisa i dr.) čija je sječa zakonom ili drugim propisima zabranjena, naknada štete se obračunava 500% više od prodajne cijene odgovarajućeg proizvoda.

#### Član 15.

Za posječeno ili prisvojeno četinarsko ili lišćarsko stablo namjenjeno za **novogodišnje** i druge praznike šteta se računa 500% više od prodajne cijene.

Za posječene ili prisvojene dijelove stabla iz prethodnog stava šteta se plaća 300% više od prodajne cijene.

#### Član 16.

U slučaju **protivpravnog krčenja** ili čiste sječe šume, pored naknade štete za drvenu masu koja se obračunava po odredbama čl. 2 do 15. pravilnika, u naknadu štete se moraju zaračunati i troškovi potrebni da se zemljište pošumi i uvede šumski red.

#### Član 17.

Ako je šteta na šumi i na šumskom zemljištu pričinjena **požarom**, pored naknade štete za drvenu masu koja se obračunava po odredbama čl. 2 do čl. 15. ovog pravilnika u naknadu štete od požara moraju se zaračunati još i troškovi oko gašenja požara, čuvanja zgarišta i obnove šume.

#### Član 18.

Za **sjeme** šumskog drveća, naknada štete se obračunava za 100% više od prodajne cijene ovih šumskih proizvoda.

#### Član 19.

Za štetu pričinjenu putem **paše, brsta i žirenja**, naknada štete se obračunava po cijeni koja je 400% veća od cijene pašarenja za jednu sezonu, računajući na 1 komad sitne stoke (ovcu, jagnje, svinju i dr.) ili 1 komad krupne stoke (konj, govedo, tele, ždrijebe i dr.) za svaki slučaj hvatanja na bespravnoj paši, brstu ili žirenju.

#### Član 20.

Za ostale **šumske proizvode** šteta se plaća 200% više od prodajne cijene ovih proizvoda.

#### Član 21.

Ako su šumski proizvodi samo **oštećeni**, a nisu posječeni i prisvojeni, kao što je slučaj kod koranja, podbjeljivanja, prevršivanja i kresanja dubućih stabala, ili prilikom vađenja luča, lika i dr., onda se naknada štete u tom slučaju obračunava 50% manje od visine obračunate naknade štete za odgovarajuće posječeno i prisvojeno drvo, bez obzira na to koliko iznosi procenat oštećenja ovih proizvoda.

Izuzetak od odredbe prethodnog stava, ako je dubće stablo podbijeljeno po čitavom obimu u vidu prstena i tim podbjeljivanjem prekinuta cirkulacija sokova smatra se da je stablo uništeno pa se naknada za ovakvo oštećenje stabla obračunava prema odredbama ovog cjenovnika kao da je stablo posječeno.

#### Član 22.

Sastavni dio ovog pravilnika čini odštetni cjenovnik sa utvrđenim visinama štete za pojedine šumske proizvode.

#### Član 23.

U skladu sa članom 65. Zakona o šumama („Službene novine Zeničko-dobojskog kantona“, broj: 8/13), za obračun štete na oštećenim ili posječenim šumskim proizvodima, koje su nastale od prestanka važenja Uredbe o šumama („Službene novine Federacije BiH, broj: 83/09, 26/10, 38/10 i 60/11) primjenivat će se odredbe ovog Pravilnika.

#### Član 24.

Za sve što nije regulisano ovim Pravilnikom, primjenjivat će se zakon.

**Član 25.**

Ovaj Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 05-26-322-8/13

**MINISTAR**

Zenica, 04.10.2013.godine

**Bojan Bošnjak, s.r.****ODŠTETNI CJENOVNIK****1. Tehničko drvo na panju ( u skladu sa članom 8. Pravilnika)**

Red. broj	Vrsta drveta	Jed. mjere	Sortiment	Prodajna cijena na panju bez poreza	Odštetna cijena
				KM/m <sup>3</sup>	KM/m <sup>3</sup>
1	2	3	4	5	6
1.	Jela – smrča	m <sup>3</sup>	tehničko drvo	71,47	178,68
2.	Bijeli i crni bor	m <sup>3</sup>	tehničko drvo	72,55	181,38
3.	Bukva	m <sup>3</sup>	tehničko drvo	63,58	158,95
4.	Hrast, pl.lišč.,voćkarice	m <sup>3</sup>	tehničko drvo	80,13	200,33
5.	Ostali liščari	m <sup>3</sup>	tehničko drvo	43,63	114,08

**2. Tehničko drvo na panju –iz sjemenskih sastojina i šuma sa posebnom namjenom ( u skladu sa članom 13. Pravilnika )**

Red. broj	Vrsta drveta	Jed. mjere	Sortiment	Prodajna cijena na panju bez poreza	Odštetna cijena
				KM/m <sup>3</sup>	KM/m <sup>3</sup>
1	2	3	4		4
1.	Jela – smrča	m <sup>3</sup>	tehničko drvo	71,47	285,88
2.	Bijeli i crni bor	m <sup>3</sup>	tehničko drvo	72,55	290,20
3.	Bukva	m <sup>3</sup>	tehničko drvo	63,58	254,32
4.	Hrast, pl.lišč.,voćkarice	m <sup>3</sup>	tehničko drvo	80,13	320,52
5.	Ostali liščari	m <sup>3</sup>	tehničko drvo	43,63	182,52

**3. Sitno tehničko drvo** ( u skladu sa članom 9. stav 3. Pravilnika )

Red broj	Vrsta drveta	Jed. mjere	Sortiment	Prodajna cijena na panju bez poreza	Odštetna cijena
				KM/kom	KM/kom
1	2	3	4	5	6
1	Četinari, hrast, pl.lišć.	kom	hmeljovke na panju-do 15cm	7,69	23,07
2	Ostali lišćari	kom	hmeljovke na panju-do 15cm	4,64	13,92
3	Četinari, hrast, pl.lišć.	kom	žioke na panju - do 11 cm	4,64	13,92
4	Ostali lišćari	kom	žioke na panju - do 11 cm	3,74	11,22
5	Sve vrste	kom	motke na panju	1,94	5,82
6	Svi lišćari	kom	kolje na panju-do14 cm, duž. 2,5m	2,85	8,55

**4. Proredni materijal iz šumskih kultura** (u skladu sa članom 9. stav 3. Pravilnika )

Red broj	Sortiment	Jed. mjere	Prodajna cijena na panju bez poreza	Odštetna cijena
			KM/kom	KM/kom
1	2	3	4	5
1	Proredni materijal do 15 cm	kom	4,64	23,20
2	Proredni materijal od 16 do 20 cm	kom	5,53	27,65
3	Proredni materijal od 21 do 25 cm	kom	7,33	36,65

**5. Ogravno drvo** (u skladu sa članom 10. Pravilnika )

Red broj	Vrsta drveta	Jed. mjere	Sortiment	Prodajna cijena na panju bez poreza	Odštetna cijena
				KM/m <sup>3</sup>	KM/m <sup>3</sup>
1	2	3	4	5	6
1	Četinari -svi	m <sup>3</sup>	ogrevno drvo na panju	16,00	24,00
2	Tvrđi lišćari	m <sup>3</sup>	ogrevno drvo na panju	30,00	45,00
3	Meki lišćari	m <sup>3</sup>	ogrevno drvo na panju	16,00	24,00
4	Tvrđi lišćari	m <sup>3</sup>	ogrevno drvo fco tvrđi put	52,00	104,00
5	Meki lišćari	m <sup>3</sup>	ogrevno drvo fco tvrđi put	35,00	70,00

**6. Pašarenje, brst, žirenje ( u skladu sa članom 19. Pravilnika )**

Red broj	Vrsta	Jed. mjere	Cijena pašarenja KM/kom grlo u sezoni bez poreza	Odštetna cijena
			KM/kom	KM/kom
1	2	3	4	5
1	Krupna stoka ( konj, govedo)	kom	2,00	8,00
2	Sitna stoka (ovce, koze)	kom	1,00	4,00

**7. Sadnice iz prirodnih biljevišta (u skladu sa članom 11. stav 5. Pravilnika )**

Red broj	Vrsta sadnice	Jed. mjere	Cijena sadnice bez poreza	Odštetna cijena
			KM/kom	KM/kom
1	2	3	4	5
1	Četinari –svi	kom	1,50	3,00
2	Lišćari - svi	kom	1,00	2,00

**8. Sadnice iz šumskih kultura (u skladu sa članom 12. stav 2. i stav 3. Pravilnika)**

Red broj	Vrsta sadnice	Jed. mjere	Cijena sadnice bez poreza	Odštetna cijena sadnice iz jednogodišnje šumske kulture	Odštetna cijena sadnice iz šumske kulture starije od 1 godine
			KM/kom	KM/kom	KM/kom
1	2	3	4	5	6
1	Jela	kom	1,00	5,00	6,00
2	Smrča	kom	0,42	2,10	2,52
3	Bijeli bor	kom	0,40	2,00	2,40
4	Crni bor	kom	0,40	2,00	2,40
5	Pančičeva omorika	kom	1,57	7,85	9,42
6	Munika	kom	0,37	1,85	2,22
7	Borovac	kom	0,45	2,25	2,70
8	Evropski ariš	kom	0,70	3,50	4,20
9	Duglazija	kom	1,00	5,00	6,00
10	Gorski javor	kom	0,40	2,00	2,40
11	Javor mliječ	kom	0,40	2,00	2,40
12	Obični bijeli jasen	kom	0,40	2,00	2,40
13	Brijest	kom	0,42	2,10	2,52
14	Hrast kitnjak	kom	0,30	1,50	1,80
15	Hrast lužnjak	kom	0,32	1,60	1,92
16	Bukva	kom	0,37	1,85	2,22
17	Pitomi kesten	kom	0,80	4,00	4,80
18	Orah	kom	0,70	3,50	4,20
19	Crni orah	kom	0,70	3,50	4,20

20	Sivi orah	kom	0,60	3,00	3,60
21	Lipa	kom	0,45	2,25	2,70
22	Bagrem	kom	0,32	1,60	1,92
23	Divlja trešnja	kom	0,70	3,50	4,20
24	Divlja kruška	kom	1,00	5,00	6,00
25	Divlja jabuka	kom	1,00	5,00	6,00
26	Mukinja	kom	1,00	5,00	6,00
27	Jarebika	kom	0,75	3,75	4,50
28	Oskoruša	kom	1,60	8,00	9,60
29	Brekonja	kom	1,60	8,00	9,60
30	Divlji kesten	kom	0,55	2,75	3,30

**9. Šumsko sjeme ( u skladu sa članom 18. Pravilnika )**

Red broj	Vrsta sadnice	Jed. mjere	Cijena sjemena bez poreza	Odštetna cijena sjemena
			KM/kg	KM/kg
1	2	3	4	5
1	Jela	kg	42,00	84,00
2	Smrča	kg	95,00	190,00
3	Bijeli bor	kg	210,00	420,00
4	Crni bor	kg	68,00	136,00
5	Borovac	kg	79,00	158,00
6	Zelena duglazija	kg	420,00	840,00
7	Evropski ariš	kg	420,00	840,00
8	Zapadna tuja	kg	95,00	190,00
9	Tisa	kg	84,00	168,00
10	Bijeli jasen	kg	26,00	52,00
11	Gorski javor	kg	26,00	52,00
12	Bukva	kg	26,00	52,00
13	Hrast kitnjak	kg	2,00	4,00
14	Bagrem	kg	47,00	94,00
15	Divlja trešnja	kg	74,00	148,00
16	Divlja jabuka	kg	116,00	232,00
17	Divlja kruška	kg	116,00	232,00
18	Mukinja	kg	210,00	420,00
19	Jarebika	kg	84,00	168,00
20	Oskoruša	kg	420,00	840,00
21	Brekinja	kg	420,00	840,00